

Prve BH besplatne novine

Superinfo

Najčitaniji u centralnoj BiH 25. 10. 2013. / broj 157

ŽENSKI KOŠARKAŠKI SUSRET

3. KOLO ADRIATICA MŽRKL



KŽK
ČELIK
Zenica

ŽKK
PLAY OFF
Sarajevo

GRADSKA ARENA ZENICA
NEDJELJA 27. 10. 2013. U 18 SATI, ULAZ SLOBODAN

Cijenjeni građani, korisnici naših usluga,

Vođeni željom da održimo visok nivo kvaliteta pruženih usluga i izađemo u susret vašim potrebama, od mjeseca oktobra ALBA Zenica d.o.o. počinje sa organizovanjem nove usluge - odvoza kabastog otpada iz domaćinstava općine Zenica.

Pod kabastim otpadom podrazumijeva se svaki otpad iz domaćinstava, koji po svojoj veličini, količini i sastavu ne ulazi u kategoriju kućnog komunalnog otpada i kao takav ne može biti odložen u kontejnere (stari namještaj, otpad bijele tehnike, dotrajali aparati iz domaćinstva i drugi kabasti predmeti). Nova usluga proističe iz potrebe da ALBA Zenica, kao vaše komunalno preduzeće, bude u mogućnosti prihvatiti i adekvatno odložiti sve vrste otpada bez posljedica po okolinu.

Redovni odvoz kabastog otpada organizirati će se dva puta godišnje kroz proljetnu i jesenu akciju, a prema prethodno utvrđenom rasporedu. Građani koji redovno izmiruju obaveze prema ALBI Zenica imaju pravo na još jedan odvoz godišnje - po pozivu, neovisno o utvrđenom rasporedu.

Raspored iznošenja, sakupljanja i odvoza kabastog otpada u jesenjoj akciji realiziraće se po mjesnim zajednicama, gradskim četvrtima, ulicama i selima u kojima postoji organizovani odvoz komunalnog otpada:

26. i 27.10.2013.

Subota-Nedjelja

MJESNA ZAJEDNICA	MJESTO ODLAGANJA KABASTOG OTPADA
1 <i>CENTAR</i>	Pored kontejnerskih mjesta
2 <i>PIŠĆE</i>	Pored kontejnerskih mjesta
3 <i>LONDŽA</i>	Pored kontejnerskih mjesta
4 <i>ODMUT</i>	Pored kontejnerskih mjesta
5 <i>BILMIŠĆE</i>	Pored kontejnerskih mjesta
6 <i>BLATUŠA</i>	Pored kontejnerskih mjesta
7 <i>CARINA</i>	Pored kontejnerskih mjesta
8 <i>BILINO POLJE</i>	Pored kontejnerskih mjesta
9 <i>NOVA ZENICA</i>	Pored kontejnerskih mjesta
10 <i>JALIJA</i>	Pored kontejnerskih mjesta
11 <i>SEJMEN</i>	Pored kontejnerskih mjesta

28. i 29.10.2013.

Ponedjeljak-Utorak

MJESNA ZAJEDNICA	MJESTO ODLAGANJA KABASTOG OTPADA
1 <i>BRODA</i>	Proširenja uz glavnu cestu
2 <i>BRIST</i>	Proširenja uz glavnu cestu
3 <i>PODBREŽJE</i>	Proširenja uz glavnu cestu
4 <i>TETOVO</i>	Pored kontejnerskih mjesta

29. i 30.10.2013.

Utorak-Srijeda

MJESNA ZAJEDNICA	MJESTO ODLAGANJA KABASTOG OTPADA
1 <i>ZMAJEVAC</i>	Proširenja uz glavnu cestu
2 <i>NEMILA</i>	Proširenja uz glavnu cestu
3 <i>VRANDUK</i>	Proširenja uz glavnu cestu
4 <i>ČAJDRAŠ</i>	Proširenja uz glavnu cestu
5 <i>LOKVINE</i>	Proširenja uz glavnu cestu
6 <i>STRANJANI</i>	Proširenja uz glavnu cestu
7 <i>GORNJE CRKVICE</i>	Proširenja uz glavnu cestu
8 <i>DONJE BABINO</i>	Proširenja uz glavnu cestu
9 <i>BABINO</i>	Proširenja uz glavnu cestu
10 <i>SEOCI</i>	Proširenja uz glavnu cestu
11 <i>ARNAUTI</i>	Proširenja uz glavnu cestu
12 <i>PUHOVAC</i>	Proširenja uz glavnu cestu
13 <i>BRIZNIK</i>	Proširenja uz glavnu cestu

30. i 31.10.2013.

Srijeda-Četvrtak

MJESNA ZAJEDNICA	MJESTO ODLAGANJA KABASTOG OTPADA
1 <i>DONJA GRAČANICA</i>	Proširenja uz glavnu cestu
2 <i>GORNJA GRAČANICA</i>	Proširenja uz glavnu cestu
3 <i>BANLOZI</i>	Proširenja uz glavnu cestu
4 <i>ORAHOVICA</i>	Proširenja uz glavnu cestu
5 <i>TOPČIĆ POLJE</i>	Proširenja uz glavnu cestu
6 <i>TRGOVIŠĆE</i>	Proširenja uz glavnu cestu

31.10. i 01.11.2013.

Četvrtak-Petak

MJESNA ZAJEDNICA	MJESTO ODLAGANJA KABASTOG OTPADA
1 <i>PEHARE</i>	Proširenja uz glavnu cestu
2 <i>RIČICE</i>	Proširenja uz glavnu cestu
3 <i>LUKOVO POLJE</i>	Proširenja uz glavnu cestu

01. i 02.11.2013

Petak-Subota

MJESNA ZAJEDNICA	MJESTO ODLAGANJA KABASTOG OTPADA
1 <i>RASPOTOČJE</i>	Proširenja uz glavnu cestu
2 <i>DRIVUŠA</i>	Proširenja uz glavnu cestu
3 <i>JANJICI</i>	Proširenja uz glavnu cestu
4 <i>LAŠVA</i>	Proširenja uz glavnu cestu
5 <i>PERIN HAN</i>	Proširenja uz glavnu cestu
6 <i>GORICA</i>	Proširenja uz glavnu cestu
7 <i>PUTOVIČKO POLJE</i>	Proširenja uz glavnu cestu
8 <i>KLOPČE</i>	Proširenja uz glavnu cestu
9 <i>DONJA VRACA</i>	Proširenja uz glavnu cestu

02. i 03.11.2013

Subota -Nedjelja

MJESNA ZAJEDNICA	MJESTO ODLAGANJA KABASTOG OTPADA
1 <i>STARO RADAKOVO</i>	Proširenja uz glavnu cestu
2 <i>NOVO RADAKOVO</i>	Proširenja uz glavnu cestu
3 <i>MOKUŠNICE</i>	Proširenja uz glavnu cestu
4 <i>CRKVICE</i>	Proširenja uz glavnu cestu

Za eventualne sugestije, pitanja i prijedloge vezane za organizaciju odvoza kontaktirajte našu Tehničku operativu na broj 441-270.

Na našoj web stranici (www.alba.ba) možete preuzeti raspored u pdf formatu.

Za dodatne informacije kontaktirajte nas na broj telefona 442-851, e-mail mujkanovic@alba.ba ili posjetite našu facebook stranicu (ALBA Zenica).

INTERVIEW

SELVEDIN ŠATOROVIĆ

Obrazovanje pod hitno moramo prebaciti u nadležnost FBiH

Početak ovog mjeseca i u našoj zemlji je na prigodan način obilježen 5. oktobar - Svjetski dan učitelja, pa smo i mi tim povodom odlučili da u ovom broju Superinfa uradimo interview sa Selvedinom Šatorovićem, predsjednikom Samostalnog sindikata osnovnog obrazovanja i odgoja FBiH.

SUPER **Možete li nam reći od kada ste na čelu SSOiO FBiH, a zatim nam u kratkim crtama predstavite i najvažnije aktivnosti Sindikata u tom periodu?**

Na čelo SSOiO FBiH izabran sam krajem novembra 2009. godine i kada bih želio da navedem samo taksativno sve što je ovaj sindikat u tom periodu učinio trebalo bi nam nekoliko stranica vašeg lista. Ipak, spomenut ću da smo odmah nakon izbora započeli aktivnosti na uspostavljanju socijalnog dijaloga sa resornim Federalnim ministarstvom obrazovanja i nauke koji do tada nije uopće postojao. Kao rezultat naših aktivnosti potpisan je i Protokol sa Federalnim ministarstvom obrazovanja, a rezultati tog protokola su danas više nego vidljivi i ogledaju se u zajedničkom obilježavanju 5. oktobra-Svjetskog dana učitelja. Također, imali smo nekoliko veoma uspješnih zajedničkih akcija kao što su štrajkovi upozorenja u FBiH i protesti na područjima kantona, a kao najveću vrijednost bih istakao da i pored manjeg broja upisanih učenika u FBiH nijedan naš član nije ostao bez radnog angažmana.

SUPER **U posljednje vrijeme smo svjedoci sve većeg nezadovoljstva prosvjetnih radnika u FBiH, pa nas zanima na koje se to stvari oni najčešće žale?**

Prosvjetni radnici u principu dijele sudbinu ostalih radnika u BiH. Svjedoci smo da se kolektivni ugovori ne poštuju, da se pravosnažne sudske presude ne isplaćuju, da je prosječna plata u obrazovanju niža od prosječne plate u



FBiH... Moram istaći da smo i previše strpljivi te da samo iz velike ljubavi prema pozivu koji radimo podnosimo ovakav odnos svih nivoa vlasti prema obrazovanju. Do kada? Sigurno ne još dugo. U sindikatu spremamo niz aktivnosti koje će u narednom periodu definitivno razriješiti dileme i razotkriti koliko je raznim politikama stalo do obrazovnog sistema čiji kvalitet konstantno pokušavaju narušiti.

SUPER **Kako ocjenjujete trenutnu saradnju sa izvršnom vlasti u FBiH, ali i pojedinačno po kantonima?**

Moram istaći da mi imamo izuzetnu saradnju na nivou Vlade FBiH te posebno sa resornim federalnim ministrom Mašićem. Međutim, obrazovanje je još uvijek u nadležnosti kantona i ta saradnja ne može u punom kapacitetu doći do izražaja jer postoje opstrukcije na kantonima. Najlošiji odnos je bio u ZDK, ali dolaskom novog premijera počeli su da pušu neki povoljniji vjetrovi te socijalni dijalog konačno funkcioniše. Postoje određeni zahtjevi sindikata kao što je isplata regresa,

aneksiranje kolektivnih ugovora, povećanje stavke u Budžetu koja tretira sudske presude da bi u potpunosti rad novog premijera ocijenili uspješnim.

SUPER **U koliko ste mjeri zadovoljni postojećom infrastrukturom u školama na području FBiH?**

Kao što sam već naveo odnos svih nivoa vlasti je takav da u obrazovanje ne bi ništa ulagali, nego bi ga isključivo koristili za postavljanje podobnih na pozicije upravljačkih i rukovodnih struktura u školama. Generalno, stanje je katastrofalno po pitanju stanja školskih objekata, a o nastavnim sredstvima i učilima da i ne govorimo. U većini škola čak nema ni dovoljno sredstava za čišćenje, a kamoli za kopiranje te se i dalje uzima novac od učenika za te svrhe čemu se mi u sindikatu oštro protivimo. Osnovno obrazovanje je ustavna kategorija i vidljivo je da kantoni ne mogu adekvatno servisirati tu oblast te je naš stav, za koji postoji podrška i u Vladi FBiH, da se u predstojećim ustavnim promjenama oblast obrazovanja podigne na nivo FBiH.

SUPER **Koji su to konkretni planovi Sindikata u narednom periodu?**

Na Kongresu koji je planiran za kraj ove godine usvojiti će se Program rada i djelovanja za period 2013-2017. Tada će se odrediti i nosioci pojedinih aktivnosti i o tome ćemo moći govoriti tek poslije tog događaja. Inače, mi u sindikatu uvijek tražimo više i bolje i smatramo da samo uz kvalitetan obrazovni sistem ova zemlja može izaći na zelenu granu. Obzirom da sam po vokaciji optimista siguran sam da će biti bolje te da ćemo u narednom periodu imati više razloga za zadovoljstvo. Ono što još moram naglasiti jeste da je prosvjetni radnik potpuno zadovoljan tek kada svaki naš učenik i roditelj bude imao razloga za zadovoljstvo.

Foto Express Kratina

Tel/fax: 032 404 778 kratina@bih.net.ba www.fotokratina.ba

NAJJEFTINIJE FOTOGRAFIJE U GRADU !!!

Poslovnica1: Biznis centar Akxa

Radno vrijeme od 8 do 19 h
subotom od 8 do 16 h



POVODOM DANA OPĆINE ŽEPČE Održana svečana sjednica Općinskog vijeća



Prvo spominjanje Žepča veže se za povelju bosanskog kralja Stjepana Tomaša od 14. listopada 1458. godine, koju je, boraveći u Žepču, izdao žepačkom logotetu Stjepanu Ratkoviću. Ovaj datum 14. listopada se zbog toga i slavi kao Dan općine Žepče pa je tog dana i ove godine održana Svečana sjednica Općinskog vijeća Žepče. Tom prilikom prigodnim govorom mnogobrojnim zvanicama i gostima su se obratili predsjedavajući Općinskog vijeća Muhamed Jusufović i općinski načelnik Mato Zovko, koji je u izvješću o radu istaknuo najvažnije točke djelovanja na području općine Žepče, te naglasio kako živimo u mirnoj i sigurnoj sredini u kojoj sve teče po planu, kao i da

se svi planirani projekti uspješno realiziraju. Osim toga, načelnik Zovko je uručio i nekoliko javnih priznanja pa su tako Zahvalnice dobili Federalno ministarstvo razvoja, poduzetništva i obrta, Kantonalna uprava civilne zaštite ZDK i Lutkarsko kazalište Mostar, dok su Pohvalnice ovaj put dobili Rukometni klub „Žepče“ i Kajak-kanu klub „550“ Žepče. Inače, u sklopu obilježavanja Dana općine Žepče položeni su i vijenci na središnjem spomen obilježju, zatim je organizovana Zabavna večer u centru grada, održana je izložba Zavičajne zbirke općine Žepče, dok je sve okončano tradicionalnim krosom „Trčanjem do zdravlja“, u kojem su sudjelovali učenici osnovnih i srednjih škola općine Žepče.

Ulaganja Austrijanaca u Visokom

Mala svečanost i učenička priredba u OŠ „Kulin Ban“ Visoko upriličena je u čast Republike Austrije koja je nastavila donirati sredstva za što bolju funkcionalnost škole. Direktor Ramiz Brkić ugostio je novoimenovanog ambasadora Republike Austrije u BiH Martina Pammera i njegove saradnike, koji su zadovoljni radovima izvedenim na parketima učionica. Riječ je o završetku druge fazi ulaganja, nakon čega bi trebali početi i radovi na „utopljanju“ zi-



dova te stavljanju nove fasade. Svečanost su uveličali i ministri iz ZDK.

INICIJATIVA ZENIČKOG VIJEĆNIKA SULJE ČOLAKOVIĆA Primiti volontere obrazovne i medicinske struke u ZDK

Na evidenciji Službe za zapošljavanje ZDK nalazi se 5.303 nezaposlene osobe obrazovne i medicinske struke, od čega njih 3.519 ili oko 60 posto nemaju položen stručni ispit koji im je zakonom propisan da bi mogli obavljati poslove za koje su se školovali, odnosno ravnopravno konkurirati na tržištu rada. Stoga je Suljo Čolaković na prošloj sjednici Općinskog vijeća Zenice iznio inicijativu o prijemu ovih osoba kao volontera te predložio da Vijeće uputi ovo kao svoju inicijativu kantonalnoj Vladi i u svih 12 općina ZDK, što je usvojeno. On je istakao i kako očekuje da cijena stručnog ispita bude upola manja od sadašnje, a koja iznosi 180 KM za SSS i 300 KM za VSS, a pogotovo što člano-



vi komisije stručni ispit volontera obavljaju u toku svog redovnog radnog vremena, te da očekuje da se volonterima sufinansira bar dio troškova prijevoza i topli obrok od najmanje pet maraka po danu.

RUDNIK MRKOG UGLJA KAKANJ Sjajni rezultati u septembru



U mjesecu septembru u Rudniku mrkog uglja Kakanj ostvaren je najbolji mjesčni rezultat u posljednje dvije decenije, a to znači da su i kvalitet uglja i fizički obim proizvodnje bili daleko iznad plana. To je rezultat organizacijskih i tehničko tehnoloških unaprjeđenja, pri čemu iz Uprave Rudnika posebne čestitke upu-

ćuju neposrednim izvršiocima u proizvodnji i preradi uglja. „Ovo-ga puta je iznad plana ostvaren i fizički obim proizvodnje i kvalitet, odnosno toplota uglja, a sve to će značajno utjecati i na poboljšavanje finansijskih tokova u Rudniku“, istakao je ovom prilikom direktor RMU Kakanj, Mirsad Jašarspahić.

NA PROSTORU OPĆINE ŽEPČE Održan prvi Gospodarski forum



U organizaciji općine Žepče i Razvojne agencije Žepče, 10. listopada ove godine, u prostorijama motela „California“ u Brankoviću održan je prvi Gospodarski forum općine Žepče pod nazivom „Investicijske mogućnosti općine Žepče-Prednosti poslovanja u malim lokalnim zajednicama“. Na Gospodarskom forumu su predstavljene mogućnosti i prednosti poslovanja u općini Žepče i primjeri dobre prakse iz gradova Osijek i Beli Manastir, a bila je to ujedno i prilika za međusobno povezivanje tvrtki iz općine Žepče i onih s područja Osječko-baranjske županije. Forumu su se inače odazvali brojni gosti iz zemlje i inozemstva, a na po-

četku je sve nazočne pozdravio i dobrodošlicu poželio općinski načelnik Mato Zovko, koji je tom prilikom goste upoznao i sa poviješću općine Žepče, ali i ciljevima ovog foruma. U plenarnom dijelu Gospodarskog foruma gosti su imali priliku pogledati i film o općini Žepče, u kojem je predstavljen dosadašnji razvoj ove općine, dok su predstavnici stručnih službi Općine ukratko predstavili perspektive za buduća ulaganja u općinu Žepče. Nakon održanog Gospodarskog foruma i svečanog ručka, druženje je dalje nastavljeno kroz obilazak žepačkih poduzeća „Bositex“, „Prograd“, „Titanic“ i „Profil Isolation“ te Poslovne zone „Polja“.

ZENIČKO-DOBOJSKI KANTON Poljoprivrednicima nova dva miliona KM poticaja

Vlada ZDK izdvojiti će u ovoj godini još dva miliona maraka putem Ministarstva poljoprivrede, šumarstva i vodoprivrede, za poticaje u poljoprivrednoj proizvodnji. Program utroška ovih sredstava usvojen je na posljednjoj sjednici Vlade Kantona, a zaključeno je da se sa predstavnicima udruženja poljoprivrednika održi uskoro novi sastanak na kome će biti pojašnjene pojedine

stavke iz pomenutog Programa. Korisnici poticaja su poljoprivredni proizvođači, udruženja poljoprivrednika te proizvođači i prerađivači prehrambenih proizvoda. Korisnici svih ovih poticaja mogu biti fizička i pravna lica koja ispunjavaju propisane kriterije, a zahtjevi za poticaje sa traženom dokumentacijom biće predavani nadležnim općinskim službama.

KOALICIJA ORGANIZACIJA OSOBA SA INVALIDITETOM ZDK Udruženo u borbu za svoja prava

Nedavno je u Zeničko-dobojskom kantonu formirana Koalicija organizacija osoba sa invaliditetom koju čine deset organizacija: Savez slijepih ZDK, Udruženje „Humanost-societas humanitatis“, Udruženje „Lotos“, Udruženje gluhih i nagluhih osoba ZDK, Udruženje „Dlan“, Udruženje „Svijet u slikama“, Udruženje slijepih građana općine Tešanj, Udruženje slijepih građana općine Visoko, Udruženje građana oboljelih od mišićne distrofije ZDK i Udruženje „Svjetlost“ koje je izabrano za lidera Koalicije. U Zenici je održan i Treening za or-

ganizacije osoba sa invaliditetom odnosno njegov prvi modul na temu „Ljudska prava i sredstva za postizanje jednakih mogućnosti“. „Očekujem jako puno iz ove koalicije i od primjene odredbi ove strategije. Naša pojedinačna borba za status osoba sa invaliditetom ne može donijeti nikad rješenje kao kada se svi udružimo. Dobijemo mi pojedinačno, recimo 500 ili hiljadu maraka, ali ovo bi trebalo da bude dugoročnije rješenje svih problema osoba sa invaliditetom“, istakla je Murisa Begagić, predsjednica Udruženja „Svjetlost“ iz Zenice.



knjigovodstvo.ba

- KNJIGOVODSTVANE USLUGE ZA SVE VRSTE DJELATNOSTI
- POMOĆ PRI REGISTRACIJI OBRTA/FIRME
- IZRADA GODIŠNJE PRIJAVE ZA FIZIČKA LICA (OBRAZAC GPD 1051)
- REVIDIRANJE I OVJERA ZAVRŠNOG RAČUNA
- OBRAČUN UGOVORA O DJELU, AUTORSKIH HONORARA TE UGOVORA O PRIVREMENIM I POVREMENIM POSLOVIMA.
- SARADUJEMO PRI SVIM KONTROLAMA INSPEKCIJSKOG NADZORA
- KURIRSKJE USLUGE



KNJIGOVODSTVO PO VAŠOJ MJERI
TEL: 032/481-046

PUŠTENA U RAD TOPLANA NA BIOMASU U NEMILI

Najmanje toplificirano mjesto na Balkanu



Toplana na biomasu u Nemili, čiju gradnju su finansirali Vlada Češke Republike (1,48 miliona EUR-a) i Općina Zenica (oko dva miliona maraka), puštena je protekle sedmice i zvnično u funkciju. Čast da simbolično to učine pripala je češkom ambasadoru u našoj zemlji Tomašu Szunyogu i načelniku Općine Husejinu Smajloviću. Projekt: „Korištenje obnovljivih izvora energije za sistem centralnog grijanja u Nemili“ implementiran je u periodu od 2011. do 2013., a predstavljao je prvu fazu izgradnje sistema centralnog grijanja u Nemili, kapaciteta tri MW toplotne energije. U ovoj fazi urađeno je priključenje javnih objekata na

sistem centralnog grijanja - Osnovna škola, Dom zdravlja, Policijska stanica, Društveni dom, te 91 privatni objekat koji se nalaze u blizini toplovodnih trasa. Načelnik Smajlović je ovom prilikom naglasio kako se ovih dana u Zenici, Nemili, ali i državi BiH dešavaju samo dobre stvari te dodao “za Bajram smo u Kanunu vizirali put za Brazil, a sada u Nemili otvaramo toplanu sa kojom su mještani dobili nešto što ni sanjali nisu. Kasim Sarajlić, direktor JP Grijanje Zenica zahvalio se prijateljima iz Češke koji su prepoznali kvalitet projekta i podržali ga. Stanovnicima Nemile je zaželio da dugo uživaju u zdravlju, rahatlučku i bla-

godatima koje nosi centralno grijanje. Naidin Ahmetpahić, koordinator ispred Općine Zenica i čeških partnera za implementaciju projekta, poručio je da je Nemila sa ovim postala najmanje toplificirano mjesto na Balkanu, da je dobila jedan moderan i ekološki prihvatljiv sistem centralnog grijanja, a koji će zbog kalorimetarskog načina obračuna potrošene energije biti ekonomičan i energetske efikasan. Inače, Općina Zenica je obezbijedila zemljište, građevinski projekt, pribavila neophodne saglasnosti i dozvole te obezbijedila obavljanje građevinskih radova, koje je izvodila zenička kompanija Komgrad-ZE.



I PORED NERIJEŠENIH PROBLEMA NA RELACIJI JP “GRIJANJE”-VLADA ZDK

Zenički školarci ponovo dobili grijanje

Posljednjih dana smo svjedoci velikih previranja između zeničkog JP “Grijanje” i Vlade ZDK oko velikog novčanog duga koji kantonalne vlasti imaju prema “Grijanju”, a što je za posledicu imalo da krajem prošle sedmice sve budžetske kantonalne institucije ostanu bez napajanja toplotnom energijom. Svakako

da je najviše pažnje privuklo isključenje grijanja svim zeničkim školama, zbog čega su iz Vijeća roditelja nekoliko osnovnih škola ekspresno reagovali na kršenje osnovnih ljudskih prava te čak zaprijetili da djeca više neće dolaziti na nastavu ako se pod hitno ne uključi grijanje. Stoga je već u ponedjeljak došlo do sastan-

ka vodećih ljudi JP “Grijanje” i Vlade ZDK, na kojem je dogovoreno da se u narednom periodu dug koji postoji između njih riješi plaćanjem na rate, ali su odmah po završetku sastanka ponovo iz oba tabora dolazile potpuno različite informacije, koje su u velikoj mjeri zbunile građane Zenice. No, kako god bilo, i pored svih

tih nesuglasica treba istaći da je JP “Grijanje” ipak pokazalo visok nivo socijalne osjetljivosti vezano za ovaj problem te su ponovo uključili grijanje u svim kantonalnim institucijama, uključujući i sve škole na području Zenice, što znači da će učenici u nastavku školske godine ipak imati nesmetane uslove za rad.



telemach

Povećavamo brzine interneta, uvodimo nove kanale i pripremamo nove akcije!

Kompanija Telemach nastavlja praksu razvoja uvođenjem najnaprednijih tehnologija i servisa na tržište u Bosni i Hercegovini, te sa zadovoljstvom najavljuje povećanje brzine internet usluge, čime još jednom potvrđuje svoj status lidera na tržištu širokopojsnog interneta. Nove Internet brzine bit će dostupne svim pretplatnicima u mjesecu Decembru, tekuće godine.

Vodeći računa da u TV ponudi budu zastupljeni kvalitetni domaći i regionalni kanali, donosimo TV kanale: Kanal 6, PRVA PLUS, Posavina TV, RTS 2 i B92 Info. Navedeni kanali bit će sastavni dio D3 platforme i to u D3 Start paketu koji je sastavni dio Telemach DUO i TRIO MIX paketa.

Pored ovih kanala, korisnici koji imaju HD resiver u osnovnom D3 start paketu ubuduće će moći pratiti i 2 kanala u HD rezoluciji FACE TV HD i Viasat Nature/History HD.

Korisnici koji nemaju HD prijemnik ostvaruju mogućnost praćenja HD kanala u D3 start paketu instalacijom D3V2.0 prijemnika koji mogu dobiti na način da potpišu novi Ugovor na 24 mjeseca za usluge DUO TV + NET ili TRIO, ili doplate jednokratno 50 KM za zamjenu prijemnika.

Telemach je pored ovih novina za nove TRIO MIX korisnike pripremio odličnu akciju.

Tačnije, prvih 1000 novih korisnika TRIO MIX paketa dobijaju besplatno na korištenje HBO paket na 24 mjeseca, koliko traje i pretplatnički Ugovor kojeg potpišu.

Akcija traje od 29.10.2013. godine.

Nove brzine Internet Standard i u okviru Super Mix paketa:

PAKET	Pristupna Brzina Mb/s		Cijena u KM
	Ugovor na 12 mjeseci	Internet standard	
S	10/1,5	8/1	22
M	18/1,8	15/1,5	35
L	24/2	20/2	45
XL	36/3	30/3	55
Turbo XL	60/3		80
Turbo XXL	90/4		140

Mix Duo i Trio paketi :

PAKET	Pristupna Brzina Mb/s	Cijena u KM
DUO TV + NET	15/1,8	39,9
TRIO TV+NET+TEL	15/1,8	49,9

Opcije na osnovne DUO TV+TEL, DUO TV+NET i TRIO pakete:

Brži NET	Cijena u KM
Brži 30/2 Mb/s	20
Brži 60/4 Mb/s	50
Brži 100/5 Mb/s	90

Telemach ima sve, izaberite najbolje!



PROJEKT S.T.A.R. - STATISTIČKE MREŽE U SEKTORU TURIZMA JADRANSKIH REGIONA

Promocija internet aplikacije S.T.A.R. putem radionica na lokalnom nivou

Zenica je bila domaćin dvije lokalne radionice koje je u okviru projekta S.T.A.R. organizovao Biznis servis centar u saradnji sa Turističkom zajednicom Zeničko-dobojskog kantona. Na radionicama je predstavljen nivo realizacije projektnih aktivnosti te prezentirana internet aplikacija S.T.A.R. kao finalni proizvod projekta, a koja je trenutno u završnoj fazi izrade. Prva radionica održana je 25. septembra u hotelu Internacional, dok je druga upriličena 4. oktobra, na sajamskom prostoru Turističke zajednice ZDK u okviru 20. generalnog BH sajma ZEPS 2013. Radionicama su prisustvovali predstavnici hotela i drugih privrednih subjekata iz oblasti turizma, predstavnici turističkih agencija, javnog sektora, Privredne komore, Turističke zajednice Zeničko-dobojskog kantona kao i Univerziteta u Zenici.

Pored prezentacija kojima je pokazan značaj statistike u sektoru turizma kao i važnost promocije i odnosa sa medijima u ovoj oblasti, na radionicama je predstavljen Turistički internet portal jadranskog regiona koji će ujedno predstavljati i finalni rezultat ovog projekta. Učesnici su upoznati sa njegovom strukturom i sadržajem koji se odnosi na podatke o turističkoj ponudi i potra-



žnji, okolišu, radnoj snazi, zadovoljstvu korisnika, a što će u budućnosti olakšati donošenje planova i strategija u oblasti turizma, efektivniji rad i niže troškove. Putem Turističkog portala jadranskog regiona će biti omogućeno uspostavljanje zajedničkih standarda i poboljšanje kvaliteta statistike u oblasti turizma. Učesnicima je prezentiran i način uključivanja u rad i korištenje internet portala te je

istaknuto da internet portal projekta S.T.A.R. treba da postane ne samo dobar statistički instrument, nego i koristan alat za promociju i širenje dobrih praksi. Radionice su protekle u pozitivnoj radnoj atmosferi te je uočeno da su od velike koristi za lokalne učesnike koji su istakli da su ovim putem stekli nova znanja, a projekt S.T.A.R. ocijenili kao koristan i važan kako za ZDK, tako i za cijelu Bosnu i Hercegovinu.

Podsjećamo, projekt S.T.A.R. pripada IPA jadranskom programu prekogranične saradnje, sufinansiran je sredstvima EU, Instrument za predpristupnu pomoć (IPA) i traje 36 mjeseci. Cilj projekta je učiniti informacije o turističkom prometu efikasnijim, dostupnijim i pouzdanijim te za jadransko turističko područje osigurati podatke i odgovarajuće statističke alate i na taj način pomoći institucijama da planiraju načine na koje će se provoditi državne intervencije u turizmu i donositi nove turističke strategije. Također, S.T.A.R. predstavlja početak novog načina rada koji će turističkim kompanijama i operatorima obezbijediti direktnu korist zahvaljujući sve širim mogućnostima za korištenje uporedivih podataka iz cijelog jadranskog područja.



UNIVERZITET U ZENICI

Promovisano 678 diplomanata i 42 magistra nauka



Peta zajednička promocija završenika prvog i drugog ciklusa studija Univerziteta u Zenici, na kojoj je promovisano 678 diplomanata i 42 magistara nauka održana je proteklog vikenda u Gradskoj areni Zenica. Oni su pred rektorom UNZE Dževadom Zečićem položili svečanu izjavu, nakon čega je uslijedilo tradicionalno bacanje kapa u zrak te slavlje. Promociji je prisustvo-

valo više od 2.000 ljudi, članova porodica diplomanata i njihovih prijatelja. „Vi ste sada spremni odgovoriti zahtjevima društva te kao sposobni i kompetentni stručnjaci aktivno učestvovati ekonomskom i političkom napretku Bosne i Hercegovine“, kazao je rektor Zečić. Nagradu „Povelja dekana“ dobio je 31 student, koji su u prethodnoj studijskoj godini bili najbolji na

svom fakultetu, odnosno ostvarili prosjek ocjena iznad 8,00. Među njima je i pet studenata koji su imali sve desetke. To su: Amina Kurtović i Dženana Mujkanović (dipl. inž. Metalurgije), Sedina Aličković i Haris Hodžić (III godina Ekonomije) i Lejla Zilić (IV godina Prava). Dodijeljene su i tri najveće nagrade „Povelja rektora“, koje se dodjeljuju najboljima koji su tokom

ukupnog studija imali najbolji prosjek. Dobili su ih: mr. Jasmina Džafić, koja je postdiplomski studij na Ekonomiji završila sa svim desetkama, mr. Azemina Durmić, koja je postdiplomski studij na Odsjeku za socijalnu pedagogiju IPF-a završila takođe sa svim desetkama, te Amra Avdić, diplomantica Pravnog fakulteta koja je studij završila sa prosjekom 9,84.

ARMIN DAJIĆ, MLADI NAUČNIK IZ ZENICE

Učestvovao na manifestaciji „Noć istraživača“

Noć istraživača, najveći jednevečernji naučni šou, održan je i u našoj zemlji. Ovoga puta osim Banja Luke druženje je održano i u Sarajevu. Upriličen je pravi „naučni horor“, glavna tema Noći istraživača BiH 2013, s kojom su se, pod sloganom „Nauka je straval“, upustili u istraživanje svega onoga što čini nauku jezivom i strašnom, ali i dalje fascinantnom. U oba grada zainteresovani su imali priliku da vide interesantne eksperimente i projekte, druže se s naučnicima i istraživačima, saznaju korisne informacije o mogućnostima za školovanje u zemlji i inostranstvu... Armin Dajić, student je Elektrotehnike u Sarajevu. Sa svojom profesijom bi sigurno više zarađivao u inostranstvu, ali je on odlučio ostati u BiH. Rekao je da se nada da će doći bolje vrijeme za našu zemlju, ali i za talentovane mlade ljude. Inače, radi se o mladiću koji je bio superodlikaš iz zeničke Prve gimnazije, ali i izuzetno uspješan sportista. Trenirao je tenis u zeničkom Čeliku, a bio je državni prvak u juniorskoj i viceprvak u seniorskoj konkurenciji. Iako su svi teniski stručnjaci u našoj zemlji tvrdili da je izuzetno talentovan i da ima sve predispozicije da izraste u vrhunskog tenisera, on se odlučio da prekine aktivno bavljenje sportom i posveti se studiju Elektrotehnike.



Izviđačka akcija na Smetovima

U organizaciji Saveza izviđača Općine Zenica u Family Centru Ekran i u Domu izviđača i radioamatera na Smetovima održana je akcija "JOTA-JOTI", u kojoj je učestvovalo oko 200 članova. Članovi, roditelji, prijatelji i simpatizera SIOZ-a na Smetovima imali su priliku upoznati se sa izviđačkim pokretom i vještinama koje se savladavaju prelazeći izviđački program: čvorologija, signalizacija, šatorizacija te odigrati i poneku zabavnu izviđačku igru i preći sportski poligon. Lijepo vrijeme je iskorišteno i za eko akciju pošumljavanja pa su svi prisutni imali priliku da na obroncima Smetova zasade zajedno sa svojim prijateljima i roditeljima par sadnica.




putem interneta. Članovi Saveza izviđača su ostvarili oko 100 veza na internetu i oko 50 radioveza. Ostvareni su kontakti sa zemljama kao što su: Taiwan, Filipini, Bolivija, Oman, Katar, a naravno i sa svim evropskim zemljama.



Pohod na najviši vrh Treskavice

Ekipa udruženja planinara "Vedro" iz Zenice (Amel Selimović, Afan Abazović, Velida Abazović) odazvala se pozivu udruženja "Avantur" na pohod na planinu Treskavicu. Cilj pohoda bio je osvajanje najvišeg vrha ove izuzetno zanimljive i sadržajne planine, vrha koji ima - tri imena: Mala Čaba, Đokin Toranj i Paklijaš, na 2086 m n/v. Pedeset učesnika pohoda uspješno je savladalo skoro 24 kilometra rute, koja je vodila od sela Turovi kod Trnova, podno Treskavice, planinarskog doma Sustavac, Velikog jezera (jednog od pet na ovoj planini) i Đevigrada. Sve zasluge na uspješnoj organizaciji i realizaciji izleta idu vodičima Muameru Drugovcu i Alemu Hodžiću, koji su i ovaj put obavili sjajan posao.



Nova premijera u BNP Zenica

Predstava „Mousefuckers“, autora Almira Imširevića, u režiji Stevana Bodrože, nova je premijera Bosanskog narodnog pozorišta u 64. pozorišnoj i koncertnoj sezoni koja je održana u srijedu. U predstavi



glume: Enes Salković (Enki), Snežana Vidović (Ajša), Robert Krajnović (Gile), Lana Delić (Tamara) i Ištvan Gabor (Gazda), te polaznici Dramskog studija BNP-a: Dino Brljevac, Adna Hasanić, Igda Jarić, Haris Hadžisejdić, Ishak Jalimam, Amina Čurić, Tamara Miličević – Štilić, Harun Skender i Tahir Kavaz (Hor sjenki). Režiju potpisuje Stevan Bodroža, scenografiju i kostimografiju Antun Marohić, muziku

Igor Kasapović, a scenski pokret Sanja Burić. Robert Krajnović je istakao kako je bilo veliko zadovoljstvo raditi sa Stevanom predstavu po tekstu Imširovića, sa kojim je zajedno studirao i pokušavao da pronikne u bit teatra. "Drago mi je što sam dio ove kreativne skupine. Mislim da smo na tragu da napravimo dobru predstavu koja će iznimno intenzivno komunicirati sa publikom", naglasio je Krajnović.

KANTONALNA BOLNICA ZENICA

Obilježen Svjetski dan artritisa

Svjetska zdravstvena organizacija ovo desetljeće je proglasila „desetljećem kostiju i zglobova“, u sklopu kojeg se obilježava Svjetski dan borbe protiv reumatskog artritisa. Danas u Evropi od bolesti artritisa boluje više od 300 miliona ljudi. Ova upalna bolest najčešće zahvata zglobove, šake i stopala te vrlo brzo dovodi do radne i funkcionalne nesposobnosti. Budući da se još uvijek ne zna tačan uzrok

za reumatski artritis, nažalost još nema niti pravog lijeka. Bolest se u najvećem broju slučajeva razvija sporo, ali progresivno. Može započeti bez povoda ili je može izazvati neka stresna situacija. Tek iznimno bolest započinje akutnim, naglim napadima, a što se prezentira teškom upalom jednog ili više zglobova. Bolesnik se u početku osjeća loše, malaksao je, može se javiti pojačano znojenje, slabiji apetit i poremećaj



ritma spavanja. Ovi opći simptomi mogu uputiti liječnika da se radi o reumatoidnom artritisu, ali i ne moraju, jer mnoge bolesti imaju sličnu kliničku sliku, npr. bolest kroničnog umora. Nakon prve faze bolesti javljaju se i prvi prepoznatljivi znakovi bolesti, jutarnja zaočerenost u zglobovima koja u toku dana popušta kada se bolesnik uspije razgibati. Kako se bolest razvija, tako su i jutarnje zaočerenosti sve teže i dugotrajnije, a sa malih zglobova bolest se može širiti od manjih ka većim zglobovima, koljenima, laktovima i dr. zglobovima. Važnu ulogu u

liječenju ima rehabilitacijski tim, ali i zdrav način života koji potiče organizam da se sam bori protiv ove opake bolesti. Vježbanjem se mogu ojačati mišići koji okružuju zahvaćeni zglob i na taj način se može poduprijeti i stabilizirati zahvaćeno područje. Vježbanjem se može potaknuti pokretljivost i spriječiti pojava ukočenosti. Cilj obilježavanja Svjetskog dana artritisa je poboljšati kvalitet života ljudi koji pate od koštano-mišićnih bolesti, ojačati pozicija pacijenata i promovirati troškovno učinkovite načine prevencije i liječenja tih bolesti.

Savjeti pacijentima koji boluju od artritisa

Pacijenti bi trebali priuštiti sebi dovoljno odmora, hodati uspravno i nositi udobnu obuću, teže predmete pacijenti bi trebali podizati iz čučnja a ne sagibanjem, prilikom podizanja predmeta koristiti obje ruke i ne okretati se, pacijenti bi trebali izbjegavati podizanje tereta iznad razine ramena, teret koji nose trebali bi rasporediti jednakomjerno na obje ruke, prilikom sjedenja oba stopala držati na podu s koljenima najmanje u visini bedara, leđa bi trebalo držati čvrsto naslonjena uz naslon stolice, ako je posao koji pacijent obavlja sjedeći, sugerije se šetnja u kratkim vremenskim intervalima svakih sat vremena, ukoliko je karakteristika posla koji pacijent obavlja stajanje na jednom mjestu, sugerije se naizmjenično oslanjanje sa jedne noge na drugu nogu.

„Dani jabuke“ u Visokom



Udruženje „Ekologika“ iz Visokog nastavilo je tradiciju obilježavanja „Dana jabuke“. Prvi dan se zasladaivalo pitama od jabuka u užem okruženju, a drugi dan članice Udruženja u simpatičnoj korpici su dijelile jabuke svojim

sugrađanima. Podjela traje dok se ne potroši svih 100 kilograma planiranih za akciju. Ove godine Dani jabuke se održavaju pod motom: „Sačuvajmo autohtone sorte i zanate pravljenja različitih proizvoda od jabuke“.

Frizersko-kozmetički salon

aysun



Mehmedalije Tarabara bb – Zenica - PC AKSA II sprat

☎ 061/769-308; 063/292-094

Od 25.10-05.11.2013.

NE PROPUSTITE slijedeće popuste u našem salonu!

- IPL tretman (trajno uklanjanje dlačica) - samo 30 KM po zoni
- Trajna šminka - Obrve - 100 KM
 - Usne -100 KM
 - Polutrajne tetovaže - od 30 KM
- Brazilsko feniranje (trajno ravnanje) kose - na sve dužine 50 KM

Termini i informacije na br. tel. 061 769 308

Posjetite nas na


www.facebook.com/frizerskokozmeticki.salonaysun

i svakodnevno pratite naše aktuelne ponude.



ELITE

fitness & aerobic club

Kamberovića polje bb, Tel: +387 61 813 184

VJEŽBAJ I UŽIVAJ!



Fitness




Tae bo



Zumba



Sauna



Aerobic



Jacuzzi

Košarkaši Kaknja startali pobjedom u Ligi 12



Jedini predstavnik Zeničko – dobojskog kantona u elitnom bh. košarkaškom društvu – Ligi 12, ekipa Kaknja, trijumfalno je počela novu sezonu. Naime, Kaknjanci su u Bijeljini nakon produžetka savladali – 76:73 domaći

KK "Građanski". Najefikasniji u redovima Kaknja bio je Aldin Muflizović sa 24 poena i četiri skoka, Mujo Tuljković je postigao 14 poena i 10 skokova, dok su Dinko Peljto i Željko Palavra postigli po 10 koševa.

A-1 LIGA ZA KOŠARKAŠE

Pobjeda Čelika, poraz Orlovika



Kako su završili pripremni ciklus, košarkaši Čelika su isto tako otvorili i novu sezonu u A-1 ligi KS BiH. Naime, Zeničani su u Sarajevu bili uspješniji od Play offa – 90:64. Izabranici trenera Nedžada Hodžića su od početka susreta bili dominantni na parketu, te je samim tim i njihova pobjeda više nego zaslužena. Najefikasniji u redovima Čelika bili su Ivan Opačak sa 21, Dino

Hodžić sa 15, Nino Balta sa 12 i Nebojša Anđelić sa 10 poena. S druge strane, košarkaši Orlovika iz Žepča poraženi su u Vogošći. Bivši član Lige 12 KS BiH bio je uvjerljiv i slavio sa 85:62. Žepčanci su se dobro držali u 1. poluvremenu, međutim u nastavku su Vogoščani bili apsolutno bolji rival. U 2. kolu OKK Čelik gostuje u Bihaću, dok je Orlovik domaćin tuzlanskom Studentu.

Nove medalje za Internacional



Zenički karate klub „Internacional“ ostvario je zapažen rezultat na turniru Gradačac Open 2013, koji je prema Programu Karate saveta BiH održan nedavno u Gradskoj dvorani. Trinaestočlana ekipa „Internacionala“ osvojila je 15 medalja. Zlatne medalje su osvojili: Semina Keleštura, Alma Bećarević, Lejla Begić, Muharem Keleštura, te kata tim djevojčice 10-11 godi-

na (Emina Pašanbegović, Alma Bećarević, Semina Keleštura), kata tim juniorke (Lejla Begić, Jasmina Bajrić, Berina Jašarević), kata tim dječaci 12-13 godina (Muharem Keleštura, Sanin Orlić, Ibrahim Šehić), srebrne: Lajla Omar Tawakkol, Ibrahim Šehić, Jasmina Bajrić, a bronzane: Emina Šaćirbegović, Emina Pašanbegović, Sanin Orlić, Omar Tawakkol i Berina Jašarević.

Zenički teniseri slavili na Poli Cupu

Tenis klub Čelik bio je domaćin posljednjeg turnira iz kalendara Tenis saveza BiH - Poli Cup-a za juniore i juniorke starosti do 16 godina. Na turniru je učestvovalo 30 igrača iz cijele BiH. Zenički teniseri su opravdali uloge favorita i u muškoj i u ženskoj konkurenciji. U finalu kod juniora Kerim Subašić iz TK Mladost savladao je Mirzu Čabru iz TK Winnera sa 2:0 u setovima (6:2, 6:3). Prethodno u polufinalu Subašić je sa 2:0 (6:0, 6:1) pobedio Gabriela Remića iz TK Elliptic Kiseljak, a Čabro sa 2:0 (6:3, 6:3) Morisa Ahmetaševića iz Doboja. Kod juniorki briljirale su članice TK Čelika. Ajla Čelebić sa 2:0 (6:0, 7:5) savladala je klupsku kolegicu Kanitu Isaković. Prethodno u polufinalu Čelebić je



savladala članicu Čelika Aminu Bajramović sa 2:0 (6:1, 6:2), a Isaković klupsku kolegicu Inajdu Karić sa 2:0 (7:5, 7:5).

Dino Marković, velika šahovska nada

Na nedavno održanom Evropskom prvenstvu za mlade šahiste u Budvi (Crna Gora) zapažen rezultat je ostvario i 14-godišnji Dino Marković, inače velika nada šahovskog kluba „Preporod“ iz Zenice. Naime, on je u konkurenciji 122 najbolja igrača Evrope do 14 godina, sa 4,5 osvojena poena iz devet odigranih partija zauzeo 70. mjesto, što je



još jedan u nizu dobrih rezultata koje je postizao u posljednje vrijeme. „Obzirom da je Dino imao rejting od 1.542 poena, a na ovom takmičenju je ostvario rejting performans od 1.878 poena i iza sebe ostavio čak 50 igrača sa boljim rejtingom od njega, smatram da je u potpunosti ostvario zacrtani cilj“, riječi su njegovog trenera, FIDE majstora Envera Muratovića.

Nogometaši Čelika napokon uvezali dvije pobjede

Nogometaši Čelika su protekle srijede na svom Bilinom polju sa visokih 4:0 savladali ekipu Bratstva iz Gračanice u prvoj utakmici osmine finala Kup-a BiH, čime su napravili veliki korak ka plasmanu u narednu rundu ovog takmičenja. To je ujedno bila i druga uzastopna pobjeda izabranika Vlade Jagodića, obzirom da su i proteklog vikenda također na domaćem terenu slavili sa 3:2 u prvenstvenom okršaju protiv Zrinjskog, što im je osiguralo ostanak na 10. poziciji BHT Premijer lige.

FOTO ZUNIC

TC Džananović
72000 Zenica
Tel: 032 / 24 61 80
Email: zuniczenica@bih.net.ba

Najveći izbor fotoaparata i opreme!!!

Akcija 10x15

IZRADA FOTOGRAFIJA
Najjeftinija ponuda u BiH

Za 100 i više fotografija po cijeni 0.20 KM!!

PRIJEM ZA NIZAMA ČANČARA U SJEDIŠTU ZDK Najbolji na svijetu, a nezaposlen

Premijer ZDK Munib Husejnagić upričio je nedavno prijem za zlatnog odbojkaša Zeničani- na Nizama Čančara, člana reprezentacije Bosne i Hercegovine u sjedećoj odbojci sa kojom je nedavno na Evropskom pr-



venstvu u Poljskoj osvojio zlatnu medalju. Inače, Čančaru je ovo bila peta medalja sa velikih takmičenja, a ima i više od 50 medalja koje je kao član tri odbojkaška kluba osvajao na različitim takmičenjima. „Ovo je prvi put za mojih 18 godina bavljenja sjedećom odbojkom da me neko primi u Zeničko-dobojskom kantonu“, kazao je Čančar koji je igrao za Čelik, za Zenicu, a sada je član sarajevskih „Fantoma“. Ukupno je pet puta u svojoj bogatoj igračkoj karijeri proglašavan najboljim

smečer-blokerom na svijetu. Uz sve to, Nizam je nezaposlen, živi u Tišini kod Zenice sa majkom, sestrom, dvoje djece i suprugom u porodičnoj kući, a na treninge putuje autobusom. Premijer Husejnagić se zahvalio ovom sportisti za do sada učinjeno, obećavši da će osvajanje zlatne medalje u Poljskoj nagraditi sa 1.000 KM i izrazio uvjerenje da prvi susret u Vladi Kantona, neće biti i posljednji, jer vjeruje da će nas ovaj skromni ratni vojni invalid, svojim rezultatima još mnogo puta obradovati.

Održan Kup ZDK u ribolovu



U organizaciji Saveza Sportsko-ribolovnih društava Zeničko-dobojskog kantona na jezeru Mrkotić (Kalošević) održan je Kup SSRD ZDK, u disciplini ulov ribe udicom na plovak, na kojem je učestvovalo 15 ekipa i dva pojedinca. Takmičenje je prošlo u veoma lijepoj drugarskoj atmosferi uz fer nadmetanje. Domaćin takmičenja USR „Blinker“ Kalošević je opravdao epitet dobrog domaćina i uložio maksimalne napore da ovo takmičenje i druženje prođu u najboljem redu. Savez Zeničko-dobojskog

kantona je obezbijedio nagrade u ekipnoj i pojedinačnoj konkurenciji, kao i zajednički ručak za sve učesnike. Prvak SSRD ZDK u 2013. godini je Ekipa UGSR „Bistro“ Zenica u sastavu: Mirnes Begagić, Mustafa Mehičić, Adnan Doglod i Zijad Sinanović – trener. Iz Bistrona su istakli kako je ovo veoma značajan uspjeh za Udruženje, te da je njihov takmičar Mirnes Begagić bio trećeplasirani pojedinačno i osvojio bronзанu medalju. Majstor staze sa ulovom od 7.720 grama bio je takmičar iz Usore Marko Bratić.

AKCIJA

Roll Up baner + print

~~135,00 KM + pdv~~
99,90 KM
+pdv

Poslovna zona Zenica 1
Tel 032 441 291
E-mail: info@bpanel.ba
www.bpanel.ba

1	2	3	4	5	6										
7															
		8													
9	10														
11			12		13										
14		15													
16				17							18		19	20	21
		22	23										24		
25	26				27							28			
29			30	31										32	
33		34				35		36							
37				38	39										
40			41				42		43						
44					45	46									
	47								48						

Vodoravno: 1. Čirilično pismo; 7. Zmaj, eng.; 8. Vrsta noža; 9. Borilište; 11. Autooznaka Niša; 12. Daily News Bulletin, skr.; 14. Svađa, zavađivanje.; 16. Riječno ostrvo; 17. Nava, žestina, strast, lat.; 22. Predmetak u složenicama koji označava da je neka mašina, pogonjena turbinom; 24. Let Me Know, skr.; 25. Švedsko muško ime; 27. Prenešeno govorom; 29. Nota solmizacije; 30. Nižeg rasta; 32. Igor Vukojević; 33. Snažan vjetar; 35. Grad u Japanu; 37. Preko, lat.; 38. Glavni grad Senegala; 40. Država na Bliskom Istoku; 42. Republika u Ruskoj Federaciji, zapadno od Urala; 44. Papir, dokument, turc.; 45. Poljoprivredno dobro; 47. Pripadnik starog nomadskog naroda Morlaci; 48. Umjetnost, fr.

Uspravno: 1. Ime i prezime ličnosti sa slike; 2. Zoran Radmilović; 3. Ispeći, peći, eng.; 4. Država u Africi; 5. Zapovjednik čete; 6. Žensko ime; 10. Glavni grad Saudijske Arabije; 13. Drvenasta biljka iz Azije; 15. Raščešljani pamuk; 18. Zmija otrovnica; 19. Target Location Error, skr.; 20. Pametna, uman čovjek; 21. Napraviti kovanjem; 23. Posuda u kojoj se čuva pepeo spaljenog mrtvaca; 26. Naturalistički pravac u umjetnosti; 28. Pokolj; 31. International Network Development & Engineering, skr.; 34. Ukupni brodski tovar; 36. Okus; 39. Prvo slovo alfabeta; 41. Vazduh, zrak, grč.; 43. Marljivost; 46. Arnel Kalušić.

Rješenja iz prošlog broja: mistik, izrada, r, amen, kompa, ob, oli, topnik, ral, srezati, i, optimalan, fota, cipela, up, užarija, nauka, atest, ost, gata, ar, vardar, tast, inka, avista, č, araks, bak.

IMPRESSUM: Magazin SuperInfo izdaje "SUPERINFO" d.o.o. Zenica, Štrosmajerova 11. (zgrada Izgradnje, II sprat), Tel. 032/463-232, www.superinfo.ba; superinfo@superinfo.ba; Reg.br.043-0-Reg-06-002101, Matični broj 1-9625; PDV broj: 218552430000; Direktor Fedja Jovanović, Tel. 061/788-088, 063/992-100; finansije Zumreta Tufekčić, Tel. 063/992-102; tehnički urednik: Selver Omerović, Tel. 063/522-922; Tiraž izdanja: 20.000 primjeraka; Štampa: Unioninvestplastika d.d. Semizovac bb, Reg. br. 1-17984

Transfer sezone

u najpovoljnije tarife na tržištu

Super
TARIFE

Zadržite broj uz 50% više razgovora

Prenesite svoj postojeći broj u Eronet mrežu, potpišite ugovor za jednu od Super tarifa na 24 mjeseca i dobivate 50% više uključenih minuta u iznos mjesečne naknade narednih 6 mjeseci, kao i mogućnost kupovine fantastičnih mobitela.

Samo Super tarife vam nude kombinaciju minuta, SMS poruka i neograničenog mobilnog interneta uključenih u cijene mjesečne naknade.



Samsung
Galaxy Young



Samsung
Galaxy Trend



Samsung
Galaxy S2 Plus



Navedene cijene vrijede u tarifi Super 25, uz ugovor na 24 mjeseca.

ERONET
Jer vrijedi.

www.hteronet.ba

Čista koža, zdrava koža

Čišćenje lica je prvi korak prema savršenoj koži

Od
30 KM

- Dubinsko čišćenje
- Uklanja nečistoće
- Postiže blistavije lice

Posjetite nas na novoj adresi:

ul. M. S. Serdarevića 1.
(kod Kamenog mosta) Zenica
Tel: 032 200 200

+esthetic
no+vello

Čišćenje lica dopunite drugim No+Vello tretmanima za lice i postignite još bolje rezultate.



www.nomasvello.ba

no+vello ©
fotoepilacija sa jedinstvenom tarifom

SVIDJET ČEŠ SE SEBI